



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

X. Super dominio Conventus S. mariæ de Victoria Fr. Carmelitarum
Discalceatorum Provinciæ Romanæ, & Gubernatione Seminarii S. Pauli in
eodem Conventu existentis, nec non super administratione bonorum ...

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

transgressoribus innotuerit, ad executionem prædictarum poenarum, nulla interposita mora procedant, alias eisdem ipsi poenis subiaceant, ac dignitate Abbatiæ priventur.

§. 3. Insuper mandat, ut omnes pecuniæ quæcumque ex causa ad Monasterium pertinentes à Cellariis dietim, prout exiguntur, Depositario consignentur, & in arcam deponantur duabus clavibus diversis obserratam, quarum altera penes Cellarium, altera verò penes eundem Depositarium asservari debeant: arca verò ipsa una cum rationum codice in Camera, seu Cella Monachi Superioris, & probatæ fidei ab Abbate electi, & deputati, majori, qua possit, diligentia servetur, & custodiatur, à qua ne obolus quidem extrahi possit, nisi præcedente mandato in scriptis Cellarii, seu eo absente ejus Ministri ad id deputati, non quidem directo sibi, seu Ministro (absente Cellario) deputato, ut supra, sed vel iis, quibus pecuniæ persolvendæ sunt, si præsentibus fuerint, vel si absentes, & impediti, Factoribus, & Agentibus Monasterii, vel aliis personis, quæ, quotiescumque opus fuerit, requisitæ, hujusmodi solutionem verè & realiter factam fuisse, attestari possint, & valeant, expressa in mandato causa, & summa, nec non manu etiam Abbatis, seu Superioris Monasterii firmato, cujus tenor de verbo ad verbum in destinato libro registretur. Computa jurata, introitus, & exitus, tam quoad pecunias, quam vitæalia quæcumque, aliaque omnia in ipsius Monasterii quotidianas necessitates expensa, consumpta, aut distributa singulo quoque mense; quæ verò in agrorum culturam, aut fructuum collectionem, quolibet Trimestri Abbati, Priori, ac Decanis fideliter exhibeantur, quibus prædicti non modo se subscribant, sed etiam juramento confirmant, ea omnia morali diligentia examinasse, nihilque in iis fraudis contraformam præsentis Decreti invenisse. Quod si qui defraudasse, & veritatem proventuum, & expensarum non expressisse inventi fuerint, ne dum incurrant poenas superius expressas absque ulla spe imperandæ dispensationis, verum etiam de furto, ac perjurio puniantur.

§. 4. Quæ omnia, ut exactius observentur, Sanctitas Sua PP. Visitationibus seriò injungit, quatenus in eorum visitatione super præmissis diligenter inquirent, & si quid in contrarium commissum, aut omisum repererint, contrafacientes in prænarratas poenas incidisse, & à suis officiiis suspensos respectivè declarent, donec in primo futuro congressu Dietæ, vel Capituli ad executionem poenarum, ut supra inscriptarum procedatur: sub poena pariter privationis dignitatis Abbatis, nec non vocis activæ, & passivæ, ac perpetuæ inhabilitatis, ad illa seu alia consequenda, rehabilitatione Sedi dumtaxat Apostolicæ reservata, ab ipsis quoque Visitationibus incurrenda.

§. 5. Et quia fidei servitium, & accurata in executione præmissorum diligentia tunc sperari poterit, si Cellarii cum gravitate morum, tum vitæ probitate, & rerum experientia conspicui fuerint; Ea propter Sanctitas Sua mandat Abbatis, ut in hujusmodi deputationibus faciendis, audito prius consilio seniorum, non nisi Religiosum, gravem, probatum, ac inter Decanos adscriptum Definitoribus, aut Regimini promovendum proponant, quemque aptiorem esse secundum Deum judicaverint, ac talem proprio juramento in scriptis attestentur; Secus dicta deputatio nulla sit eo ipso, & Prælati in proxima Dieta, vel Capitulo debitè puniantur; Et ne ullo unquam tempore à Monasteriorum Superioribus allegari possit ignorantia hujus Decreti, Sanctitas Sua mandat, ut hujusmodi Decretum legatur in publica mensa bis in anno, id est mense Februarii, & Octava Nativitatis Beatiss. Vir-

ginis Mariæ sub eisdem poenis in præsentibus Decreto adversus contrafacientes expressis. Romæ die 13. Julii 1654. M. Card. Ginnettus. Hi. Archiepiscopus Patraen. Secr.

§. 6. Cum autem firmius observentur illa, quibus sapius autoritatis Apostolicæ munimen accedit: Nobis propterea Venerabilis F. Noster Franciscus Episcopus Portuensis S. R. E. Cardinalis Barberinus nuncupatus prædictæ Congregationis Cassinensis Ordinis Sancti Benedicti apud Nos & Sedem Apostolicam Protector humiliter supplicavit, ut Decretum hujusmodi Apostolicæ confirmationis nostræ patrocinio roborare de benignitate Apostolica dignemur; Nos igitur eundem Franciscum Cardinalem specialibus favoribus, & gratiis prosequi volentes, hujusmodi supplicationibus inclinati Decretum præinsertum una cum additione prædicta, aliisque omnibus, & singulis in eo quomodolibet, ut præmittitur, contentis, Apostolica autoritate tenore præsentium confirmamus, & approbamus, illisque inviolabilis Apostolicæ firmitatis robur adjicimus. Decernentes præsentibus Litteris semper firmas, validas, & efficaces existere, & fore, ac ab omnibus, ad quos spectat, & pro tempore spectabit inviolabiliter imposterum observari, sicque in præmissis per quoscumque Judices ordinarios, & delegatos etiam causarum Palatii Apostolici Auditores judicari, & definiri debere, ac irritum, & inane, si secus super his à quoquam quavis auctoritate scienter, vel ignoranter contigerit attentari.

§. 7. Non obstantibus Constitutionibus, & Ordinationibus Apostolicis, nec non dictæ Congregationis Cassinensis etiam juramento, confirmatione Apostolica, vel alia quavis firmitate roboratis, statutis, & consuetudinibus, privilegiis quoque, indultis, & Litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, & de verbo ad verbum, inserere habentes, illis aliàs in suo robore permanentibus, ad præmissorum effectum specialiter, & expressè derogamus, cæterisque contrariis quibuscumque.

§. 8. Volumus autem, quod præsentium transumptis etiam impressis, manu Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in judicio, & extra illud adhibeatur, quæ ipsis præsentibus adhiberetur si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris, die 7. Septembr. 1655. Pontificatus Nostri Anno Primo.

Super dominio Conventus S. Mariæ de Victoria Fr. Carmelitarum Discalceatorum Provincia Romanæ, & Gubernatione Seminarii S. Pauli in eodem Conventu existentis, nec non super administratione bonorum dicti Seminarii.

Horum Fratrum Congregationem approbavit Greg. XIII. in Const. 64. Tom. 2. & Seminarium, de quo agitur, ad Fidei Christianæ propagationem in Urbe erexit Paulus Quintus Constit. 78. Tom. 3.

ALEXANDER PAPA VII.

Ad perpetuam rei memoriam.

Decet Romanum Pontificem Dominici Gregis utilitatibus ex impositæ sibi divinitus Apostolicæ servitutis officio juxta invigilantem circa ea, quæ ad fidei Catholicæ augmentum, & Religiosorum virorum sub suavi Religionis ju-

Confirmat prout in rubr.

Transumptis credi jubet.

D. Ann. P. 1. die 7. Sept. 1655.

X.

Edita A. D. 1655.

Exordium.

go Altissimi obsequiis mancipatorum tranquillitatem & felicem directionem conferunt, sollicitis studiis intendere, ac desuper curæ suæ pastoralis partes interponere prout rationi iudicat esse consentaneum.

Motiva hujus
Constit.

§. 1. Cum itaque licet alias diversis temporibus super gubernio, & regimine Conventus, seu Seminarii Sancti Pauli, sive Sanctæ Mariæ de Victoria nuncupatæ de Urbe Ordinis Fratrum Discalceatorum ejusdem Sanctæ Mariæ de Monte Carmelo diversæ ordinationes emanaverint, nec tamen hæcenus tam super præmissis, quam super iuribus, & præsentibus Dilectorum Filiorum Fratrum Provinciæ Romanæ ejusdem Ordinis ea in re plenè provifum fuerit.

Quod Conventus subji-
ciatur Provin-
ciæ Romanæ.

§. 2. Hinc est quod Nos dictæ Religionis unio-
ni, & paci, nec non eorumdem Fratrum Provin-
ciæ Romanæ indemnitati, prædictique Conven-
tus seu Seminarii prosperæ directioni ad Omni-
potentis Dei gloriam opportunè providere vo-
lentes, ac quarumvis Litterarum Apostolicarum
præsertim fel. rec. Pauli V. Urbani VIII. ac In-
nocentii X. Romanorum Pontificum Prædecesso-
rum Nostrorum etiam in simili forma Brevis ex-
peditarum, nec non Decretorum Congregationis
Venerabilium Fratrum Nostrorum S. R. E. Cardi-
nalianum negotio propagandæ Fidei præpositorum,
ac Capituli Generalis Ordinis hujusmodi concor-
diarum, testamentorum, codicillorum, legato-
rum & aliarum dispositionum quarumcumque te-
nores etiam unionis, & datas, ac alia etiam spe-
ciali expressione digna præsentibus pro plenè, &
sufficienter expressis, & insertis habentes, sup-
plicationibus Dilecti etiam Filii Provincialis, & eo-
rumdem Fratrum Provinciæ Romanæ Nobis su-
per hoc humiliter porrectis inclinati, de voto
nonnullorum ex Cardinalibus prædictis qui in
executionem Commissionis, & Mandati Nostri
jura, rationes, titulos, & fundamenta, tam ex
parte Dilectorum pariter Filiorum Præpositi Ge-
neralis, & Procuratoris, ac Definitorii Genera-
lium, quam ex parte dictorum Provincialis, & Fra-
trum prædictæ Provinciæ Romanæ Ordinis supra-
dicti data, exhibita, & producta viderunt, exa-
minarunt, & considerarunt, auctoritate Apосто-
lica tenore præsentium statuimus, decernimus,
& ordinamus dictum Conventum, seu Semina-
rium Sancti Pauli, seu Sanctæ Mariæ de Victoria
de Urbe esse debere Provinciæ Romanæ supra-
dictæ, Provinciali Romano subiectum in omnibus,
& per omnia etiam quoad Conventualitatem Fra-
trum non Seminaristarum ad instar aliorum di-
ctæ Provinciæ Conventum, ac Officiales à Ca-
pitulo Generali, seu Definitorio Generali, ele-
ctos, & ibidem constitutos dimittendos, videli-
cet, Priorem, Subpriorem, seu Vicarium, & ad
Capitulum, seu Definitorium Provinciale ejusdem
Provinciæ Romanæ in futurum spectare electio-
nem Prioris (cum participatione tamen, & appro-
batione, quoad hunc dictæ Congregationis Car-
dinalium negotio propagandæ fidei præposito-
rum) nec non etiam Subprioris, seu Vicarii, alio-
rumque Officialium, Conventus, seu Seminarii
hujusmodi ad formam Constitutionum prædictæ
Religionis, remanentibus tamen ibidem Semina-
rio, & Seminaristis, eorumque controversiarum,
& linguarum Orientalium Lectoribus, & Magistris
ad præsens existentibus, & pro tempore futuris,
quorum electio, & amotio cum participatione
Præpositi Generalis dicti Ordinis ad Congregatio-
nem Cardinalium prædictorum in futurum spectet,
& pertineat.

§. 3. Insuper administrationem omnium, &
singulorum bonorum, reddituum, & proventuum,
tam à quondam Francisco Ciminio Barone de
Cacurri, quam ab aliis relictorum, datorum, seu
donatorum, & in posterum relinquendorum, dan-

dorum, seu donandorum, videlicet, promissio-
nibus faciendis curæ, & diligentia dictæ Con-
gregationis Cardinalium, amoris Syndicis, &
Procuratoribus quibuscumque prædicti Ordinis
auctoritate, & tenore prædictis committimus.

§. 4. Præterea quamvis Conventus prædictus
sit, & esse debeat, ut supra Provinciæ Romanæ
volumus nihilominus, ut in illo, ut ante dictum
est, Seminaristæ, eorumque Lectores, & Magi-
stri una cum Fratribus ejusdem Provinciæ liberè
cohabitare, & convivere valeant; pro alimentis
verò, sustentatione, vestitu, famulatu, aliisque
necessariis Seminaristarum, eorumque Lectorum
solvantur prædicto Conventui, seu ejus Priori aut
Procuratori per Congregationis supradictorum
Cardinalium Ministros ex redditibus dicti Semina-
rii, vel promissionibus ut supra relictis, seu im-
posterum relinquendis annua scuta quadraginta
pro quolibet Seminarista, vel Lector pro tem-
pore, & rata temporis quo quilibet Lector, &
Seminarista ibi refererit, ac cohabitaverit, & con-
vixerit, remanentibus ad Conventum commodum
elemosynis seu emolumentis pro Missis à prædi-
ctis Seminaristis, Lectoribus, & Magistris cele-
brandis quomodolibet resultantibus; At si Lector
pro studio linguarum fuerit secularis, vel Reli-
giosus alterius Ordinis competens ei stipendium
ex dicti Seminarii redditibus ejusdem Congrega-
tionis Cardinalium arbitrio assignetur.

§. 5. Denique statuimus ut pro Seminaristis
hujusmodi eligantur ejusdem Ordinis Sacerdotes
ex qualibet Provincia bonis moribus, pietate,
zelo, prudentia, doctrina, aliisque virtutibus,
nec non corporis sanitate præditi, qui studium
Sacre Theologiæ compleverint, & post ingressum
infra sex menses juramentum in manibus Dilecti
Filii Nostri S. R. E. Cardinalis Præfecti Congrega-
tionis dictorum Cardinalium, & coram illo om-
nino emittant, quod finitis studiis ut supra con-
troversiarum, & linguarum ad omne Congrega-
tionis eorumdem Cardinalium mandatum ad mis-
siones promptè ibant, & inde non discedent absque
ejusdem Congregationis expressa licentia.

Seminaristæ
eligantur ex
qualibet Pro-
vincia.

§. 6. Decernentes præsentibus Litteras, & in
eis contenta quæcumque etiam ex eo, quod qui-
cumque etiam speciali expressione digni in præ-
missis quomodolibet interesse habentes, seu ha-
bere prætendentes illis non consenserint, nec ad
ea vocati, & auditi, seu causæ propter quas ea-
dem præsentibus emanarunt adductæ, & justificatæ
ullatenus fuerint, aut ex quacumque alia causa,
colore, prætextu, & occasione, & capite etiam in
corpore juris clauso de subreptionis, vel obrep-
tionis vicio, aut intentionis nostræ, vel interesse
habentium consensus, aut alio quocumque quan-
tumvis magno, & substantiali defectu notari,
impugnari, invalidari, in jus, vel controversiam
vocari, ad terminos juris reduci, aut adversus
illas apertionis oris, restitutionis in integrum,
aut quodcumque aliud juris, & facti, vel gra-
tiæ remedium impetrari, aut etiam Motu pro-
prio concessio quempiam in judicio, vel extra
illud uti, seu se juvare nunquam posse, sed
eadem præsentibus semper firmas, validas, & ef-
ficaces existere, & fore suosque plenarios, &
integros effectus sortiri, & obtinere, & ab om-
nibus ad quos spectat, & pro tempore spectabit
inviolabiliter observari. Sicque, & non aliter
in præmissis per quoscumque Judices ordinarios,
& delegatos, etiam causarum Palatii Apostolici
Auditores, ac ejusdem S. R. E. Cardinales etiam
de Latere Legatos, & alios quoscumque quavis
auctoritate, & potestate fungentes, & functu-
ros, sublata eis, & eorum cuilibet quavis aliter
judicandi, & interpretandi facultate, & aucto-
ritate judicari, & definiri debere, ac irritum, &
inane quidquid secus super his à quoquam quavis

Decretum
irritans.

auctoritate scienter, vel ignoranter contigerit attentari.

§. 7. Non obstantibus quoad ea quae praesentibus quoquo modo adversantur praedictorum, & aliorum quorumcumque Rom. Pontificum Praedecessorum nostrorum Litteris etiam in simili forma Brevis, expeditis, aliisque Constitutionibus, & ordinationibus Apostolicis etiam Conciliaribus generalibus, vel specialibus, nec non Congregationis praedictorum Cardinalium, ac Capituli generalis praedicti Ordinis Decretis, ac concordis, & legatis, testamentis, codicillis, & dispositionibus ex quacumque causa, titulo, occasione, & tempore hactenus factis, conditis, emanatis, publicatis, executis, & observatis respectivè, & aliis quibusvis etiam ultimis voluntatibus, quas quoad praemissa sufficienter, & expressè commutamus, ac erectione, & fundatione Conventus, & Seminarium praedictorum illorumque, ac Ordinis hujusmodi etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Litteris Apostolicis iisdem Ordini, Conventui, & Seminario, illorumque Superioribus, & personis quibuslibet sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, & decretis etiam irritantibus in genere, vel in specie etiam Motu proprio, & consistorialiter, ac alias quomodolibet concessis, confirmatis, & innovatis. Quibus omnibus, & singulis, etiam si pro sufficienti illorum derogatione de illis, eorumque totis tenoribus specialis, specifica, & expressa mentio habenda, aut aliqua alia exquisita forma ad hoc servanda foret, illorum tenores, formas, & occasiones praesentibus pro plenè, & sufficienter expressis, & servatis respectivè habentes, illis alias in suo robore permanentibus ad praemissorum effectum specialiter, & expressè, & plenè omnimodè, & absolute derogamus, ceterisque contrariis quibuscumque.

Dat. P. An. r.
die 24. Sept.

Datum Romae apud S. Mariam Majorem sub Annulo Piscatoris, die 24. Septemb. 1655. Pontifici. Nostri Anno Primo.

XI.

Concessio Privilegiorum pro suis Cappellanis communibus.

Edita An. D.
1655.

ALEXANDER PAPA VII.

Ad futuram rei memoriam.

Motiva hujus
Constit.

GRATA familiaritatis obsequia, quae Dilecti Filii Josephus Tolone, Franciscus Sardolus, Michaelangelus Lualdus, Hieronymus Morellus, Joannes Laurentius della Ratta, & Andreas Basile Presbyteri moderni Capellae Nostrae Pontificiae Capellani familiares Nostri, Nobis, & Apostolicae Sedi hactenus impenderunt, & adhuc sollicitis studiis impendere non desistunt, nec non vitae, ac morum honestas, aliaque laudabilia probitatis, & virtutum merita, quibus eorum personas tam familiari experientia, quam etiam fide dignorum testimonio juvari percipimus, Nos inducunt ut illis reddamur ad gratiam liberales.

Capell. Fam.
abolvit à
centuris.

§. 1. Hinc est quod nos volentes illos specialibus favoribus, & gratis prosequi, eosque à quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis à jure, vel ab homine quavis occasione, vel causa, latis, si quibus quomodolibet innodati existunt, ad effectum praesentium dumtaxat consequendum harum serie absolventes, & absolutos fore censentes.

Not. Apst.
Comites No-
biles creat.

§. 2. Motu proprio non ad supradictorum Jo-
sephi, Francisci, Michaelis angeli, Hieronymi,

Joannis Laurentii, & Andreae, vel alicujus ipsorum, aut aliorum pro eis Nobis super hoc oblatæ petitionis instantiam, sed de mera nostra deliberatione, ac certa scientia Apostolica auctoritate tenore praesentium, Josephum, Franciscum, Michaelem angelum, Hieronymum, Joannem Laurentium, & Andream praedictos, & illorum singulos in Nostros, & Sedis Apostolicae Notarios recipimus, ac sacri Palatii, & Aulae Lateranen. Comites (sine tamen dilectorum filiorum Notariorum de numero participantium praedictio) nec non Nobiles Romanos, & Urbis Romae, omniumque & singularum aliarum Civitatum, Terrarum, & locorum Sanctae Romanae Ecclesiae mediate, vel immediatè subiectorum cives creamus, & constituimus, ac in numerum, & consortium aliorum nostrorum, & eisdem Sedis Notariorum, nec non Palatii, & Aulae Comitum, ac Nobilium Romanorum, aliorumque Civium Civitatum, & Oppidorum praefatorum referimus, & conferimus, ipsisque etiamsi habitum, & rochetum Notariorum dictae Sedis, juxta decretum Lateranen. Concilii novissimè celebrati non deferant, aut Civitates hujusmodi non incoluerint, nec unquam in eisdem Civitatibus domicilium habuerint, ut omnibus & quibuscumque privilegiis, facultatibus, exemptionibus, immunitatibus, libertatibus, favoribus, gratiis, & indultis, quibus ceteri omnes Notarii Nostri etiam de numero participantium, nec non Comites, & nobiles, ac Cives originarii etiam in dignitatem, Beneficiorum Ecclesiasticorum, & secularium, etiam ex personis Romanorum originariorum vacantium ascensione, & exercitio tam in Urbe, quam Civitatibus praedictis, ac aliis ubique locorum, & gentium, nec non sessionum, & conventuum utuntur, potiuntur, & gaudent, ac uti, potiri, & gaudere poterunt quomodolibet in futurum non solum ad illorum instar, sed pariformiter, & aequè principaliter, ac si privilegia, facultates, exemptiones, gratiae, & indulta pro ipsis emanassent (citra tamen exemptiones à Concilio Tridentino sublatas, ita ut nedum quoad criminalia, sed etiam quoad civilia subiaceant Ordinariis, ac citra facultates legitimandi, ad gradus promovendi, ac Notarios, seu Tabelliones creandi, aliaque hujusmodi privilegia à Notariis Sedis Apostolicae, & Comitibus Palatinis praetensa, itaut illis supranominati Capellani familiares Nostri nullibi uti valeant, ac irritum, & inane existat si secus super his à quoquam quavis auctoritate scienter, vel ignoranter contigerit attentari) uti, potiri, & gaudere, ac in omnibus, & singulis Apostolicis, aliisque Litteris, instrumentis, & scripturis publicis, & privatis deinceps eorum nomine conficiendis sese Notarios, Comites & Nobiles, ac de nobili genere ex utroque parente procreatos, nec non Romanæ, & aliarum Civitatum Cives ut libuerit inscribere, & se illis subscribere valeant, ac pro veris, & non fictis Notariis, Comitibus, & Nobilibus, ac Civibus habeantur, nihilque qualecumque illud fuerit cum iis expressionibus subreptitium, obreptitium, aut invalidum, sed illud idem efficax in omnibus, & per omnia censeatur.

§. 3. Et insuper illos, eorumque beneficia, & officia Ecclesiastica quaecumque, quorumcumque & qualiacumque, illorum fructus, res, & jura ubicumque locorum, Regionum, & Provinciarum, nec non in Urbe, Civitatibus, Terris, & locis eisdem Romanae Ecclesiae mediatè, vel immediatè, subjectis consistentia praedia, domos, possessiones, & bona patrimonialia, aliaque temporalia mobilia, & immobilia, & se moventia, nec non actiones & jura praesentia, & futura cujuscumque qualitatibus, quantitatis, & naturae, & cujusvis etiam annui valoris, fructus, redditus, & proventus hujusmodi sint, vel fuerint, ac etiam quaecumque ab illis vendenda, ac pro illorum, familiarumque suarum

Privilegiis
gaudere de-
cernit.

uisibus